



Broj: 02-04-15280-1.2/23
Sarajevo, 27.04.2023. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), a u vezi sa članom 34. stav (3) Poslovnika o radu Vlade Kantona Sarajevo („Službene novine Kantona Sarajevo“, broj: 4/16, 36/16, 43/20, 10/21 i 33/22) Vlada Kantona Sarajevo, na **Petoj** sjednici održanoj **27.04.2023.** godine, donijela je

ZAKLJUČAK


1. Prihvata se Izjašnjenje Ministarstva pravde i uprave Kantona Sarajevo, broj: 03-04-04-3460/23 od 14.04.2023. godine na zastupničku inicijativu zastupnika Faruka Kapidžića, upućenu na Trećoj radnoj sjednici Skupštine Kantona Sarajevo, održanoj dana 27.01.2023. godine.
2. Izjašnjenje iz tačke 1. ovog zaključka dostavlja se Skupštini Kantona Sarajevo.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Služba za skupštinske poslove,
7. Evidencija,
8. A r h i v a.



Broj: 03-04-04-3460/23
Sarajevo, 14.04.2023. godine

VLADA KANTONA SARAJEVO
Stručna služba Vlade Kantona Sarajevo

PREDMET: Izjašnjenje na zastupničku inicijativu zastupnika Faruka Kapidžića, dostavlja se -

Zastupnik Faruk Kapidžić je u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22- Ispravka), na Trećoj radnoj sjednici Skupštine Kantona Sarajevo, održanoj dana 27.01.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputio zastupničku inicijativu kako slijedi:

*"Na osnovu Poslovnika o radu Skupštine Kantona Sarajevo, podnosim
INICIJATIVU*

Zadužuje se Vlada Kantona Sarajevo da pripremi i u parlamentarnu proceduru uputi izmjene i dopune Zakona o ministarstvima i drugim organima uprave Kantona Sarajevo i to na način da se "Ministarstvo komunalne privrede, infrastrukture, prostornog uređenja, građenja i zaštite okoliša" preimenuje u "Ministarstvo prostornog uređenja, građenja i zaštite okoliša" te u skladu s tim da se promijene njegove nadležnosti, a da se komunalna infrastruktura i komunalna privreda, dodaju u nadležnosti "Ministarstva saobraćaja" i "Ministarstva privrede" tim redom.

Образложење

Izmjenama i dopunama Zakona o organizaciji i djelokrugu organa uprave i upravnih organizacija u Kantonu Sarajevo, koji je više puta osporavan pred Ustavnim sudom Federacije Bosne i Hercegovine, Ministarstvo prostornog uređenja, građenja i zaštite okoliša spojeno je sa Ministarstvom komunalne privrede i infrastrukture. S obzirom na činjenicu da to novo Ministarstvo komunalne privrede, infrastrukture, prostornog uređenja, građenja i zaštite okoliša u protekle dvije godine, koliko egzistira, nije uspjelo adekvatno odgovoriti propisanim nadležnostima i obavezama, a radi velikog obima nespojivih poslova koji su mu predmetnim zakonom povjereni, smatram neophodnim vratiti Ministarstvo prostornog uređenja, građenja i zaštite okoliša u okvire i nadležnosti koje je imalo do 2021. godine.

Nadležnosti za komunalnu infrastrukturu, a radi srodnosti i kompatibilnosti poslova, najbolje bi bilo propisati i dodijeliti Ministarstvu saobraćaja – koje je de facto ministarstvo saobraćajne infrastrukture, te kao takvo srodno komunalnoj infrastrukturi a komunalnu privredu Ministarstvu privrede."

S tim u vezi, Ministarstvo pravde i uprave, dostavlja sljedeće izjašnjenje:

Ministarstvo pravde i uprave Kantona Sarajevo je kao nosilac izrade Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) (u daljem tekstu: Zakon), s obzirom da je inicijativom obuhvaćeno više resora, navedenu inicijativu uputilo Ministarstvu komunalne privrede, infrastrukture, prostornog uređenja, građenja i zaštite okoliša, Ministarstvu privrede i Ministarstvu saobraćaja, na izjašnjenje.

Ministarstvo privrede je u aktu, broj:07-02-04-3460/23 od 03.03.2023. godine, između ostalog navelo da je nadležnost Ministarstva privrede propisana u članu 13. Zakona, da su u sastavu Ministarstva privrede Uprava za šumarstvo i Direkcija za turizam. Dalje navode da su oblasti koje su navedene u članu 13. Zakona, koje su u djelokrugu ovog ministarstva, na federalnom nivou u djelokrugu pet ministarstava i to: Ministarstva energetike, rudarstva i industrije, Ministarstva trgovine, Ministarstva poljoprivrede, vodoprivrede i šumarstva, Ministarstva razvoja, poduzetništva i obrta, Ministarstva okoliša i turizma, da zbog širine i broja oblasti, ovo ministarstvo ne raspolaže dovoljnim kadrovskim kapacitetima, te kao zaključak navode da bi najoptimalnije bilo Ministarstvo privrede, organizacijski razdvojiti na dva ministarstva, te da se ni po kom osnovu ne mogu pripajati oblasti koje su u djelokrugu Ministarstva komunalne privrede, infrastrukture, prostornog uređenja, građenja i zaštite okoliša pa tako navedenu inicijativu smatraju neosnovanom.

Kako Ministarstvo komunalne privrede, infrastrukture, prostornog uređenja, građenja i zaštite okoliša i Ministarstvo saobraćaja nisu dostavili izjašnjenje, Ministarstvo pravde i uprave je 20.03.2023. godine uputilo urgenciju prema navedenim ministarstvima.

Ministarstvo komunalne privrede, infrastrukture, prostornog uređenja, građenja i zaštite okoliša je u svom aktu, broj:05-04-04-3460-1/23 od 23.03.2023. godine, navelo da je svaka statusna promjena do sada uzrokovala zastoj u radu ovog ministarstva, uzimajući u obzir da je potrebno izvršiti registraciju, izraditi pečate, usvojiti interne pravilnike, izvršiti prijavu i odjavu zaposlenika, prenos arhive kao i druge poslove. Dalje navode da je bespotrebno donositi bilo kakve ad hoc odluke koje se odnose na nadležnost komunalne privrede, dok se ne donese Zakon o lokalnoj samoupravi i ne izradi strategija ili elaborat o opravdanosti spajanja ili razdvajanja ministarstava.

U aktu, broj:04-04-8569/23 od 31.03.2023. godine, Ministarstvo saobraćaja je također navelo da se radi o kompleksnom pitanju, te da podržavaju inicijativu zastupnika Samira Avdića *da Vlada Kantona Sarajevo formira radnu grupu za izradu elaborata o svrsihodnosti restrukturiranja aktuelnog sistema izvršne vlasti sa prijedlozima nove strukture ministarstva.*

Uzimajući u obzir gore navedena izjašnjenja, kao i da se radi o složenoj materiji, ovo ministarstvo je stava da je prethodno potrebno pristupiti analizi opravdanosti organizacije organa uprave sa aspekta predloženih izmjena i dopuna u predmetnoj inicijativi kao i način funkcionisanja ministarstava obuhvaćenih inicijativom, pa u krajnjem slučaju izraditi i elaborat po prijedlogu Ministarstvo komunalne privrede, infrastrukture, prostornog uređenja, građenja i zaštite okoliša i Ministarstva saobraćaja, te na osnovu postignutih rezultata pristupiti eventualnoj izmjeni Zakona.

Prilog: Izjašnjenja ministarstava, kao u tekstu.

S poštovanjem,

Dostaviti:

1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

2/2



66-03-200

1120
PB-1

04

Broj: 07-02-04-3460/23
Sarajevo, 03.03.2023. godine

KANTON SARAJEVO
MINISTARSTVO PRAVDE I UPRAVE
- ovdje -

Predmet: Izjašnjenje na zastupničku inicijativu zastupnika, dostavlja se
Veza, Vaš akt, broj: 03-04-04-3460/23 od 20.02.2023. godine

Vašim aktom - Izjašnjenje na zastupničku inicijativu zastupnika, broj: 03-04-04-3460/23 od 20.02.2023. godine tražite stav o osnovanosti, odnosno neosnovanosti inicijative zastupnika Faruka Kapidžića kako biste pripremili konačno izjašnjenje o inicijativi prema Vladi Kantona Sarajevo.

U pomenutom aktu navodite da je zastupnik Faruk Kapidžić uputio zastupničku inicijativu na Trećoj radnoj sjednici Skupštine Kantona Sarajevo, održanoj dana 27.01.2023. godine kojom se inicijativom "zadužuje Vlada Kantona Sarajevo da pripremi i u parlamentarnu proceduru uputi izmjene i dopune Zakona o ministarstvima i drugim organima uprave Kantona Sarajevo i to na način da se Ministarstvo komunalne privrede, infrastrukture, prostornog uređenja, građenja i zaštite okoliša" preimenuje u Ministarstvo prostornog uređenja, građenja i zaštite okoliša, te u skladu sa tim da se promijene njegove nadležnosti, a da se komunalna infrastruktura i komunalna privreda, dodaju u nadležnost Ministarstva saobraćaja i Ministarstva privrede tim redom", sa obrazloženjem.

Shodno navedenom, ovim putem se izjašnjavamo, na način kako slijedi:

1. Članom 13. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) propisano je da: "Ministarstvo privrede vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti privrede, vodoprivrede, poljoprivrede, šumarstva i lovstva, veterinarstva, industrije i energetike, obrta, korišćenja prirodnih bogatstava, zaštite vodnih resursa, kantonalnog turizma i turističkih resursa, trgovine i ugostiteljstva. U sastavu Ministarstva privrede su Uprava za šumarstvo i Direkcija za turizam. Uprava za šumarstvo vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti šumarstva. Direkcija za turizam vrši stručne i s njima povezane upravne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti turizma i turističkih resursa Kantona."

2. Sve navedene oblasti iz tačke 1. ovog akta na federalnom nivou su u djelokrugu čak 5 (pet) ministarstava i to: Ministarstvo energetike, rudarstva i industrije, Ministarstvo trgovine, Ministarstvo poljoprivrede, vodoprivrede i šumarstva, Ministarstvo razvoja, poduzetništva i obrta, Ministarstva okoliša i turizma.

Shodno navedenom, očito je da ovo Ministarstvo vrši upravne i stručne poslove iz mnogobrojnih oblasti i to: vodoprivreda, poljoprivreda, šumarstvo, lovstvo, veterinarstvo,



industrija, energetika, rudarstvo, prirodni resursi (koncesije), poduzetništvo, obrti, turizam, trgovina, ugostiteljstvo. U vezi sa navedenim mnogobrojnim oblastima koje su u resoru Ministarstva privrede, u istom su u radnom odnosu i zaposlenici različitih struka, odnosno različitih zanimanja. Zbog širine i mnogobrojnih oblasti, Ministarstvo privrede ne raspolaže dovoljnim kadrovskim kapacitetima. Također u sastavu Ministarstva privrede su Uprava za šumarstvo i Direkcija za turizam. Ujedno ističemo da su u resoru Ministarstva privrede i: pet javnih preduzeća, i to: KJP "ZOI '84" OCS d.o.o. Sarajevo, KJP Centar "Skenderija" d.o.o. Sarajevo, KJP "Veterinarska stanica" d.o.o. Sarajevo, KJP "Poljoprivredno dobro Butmir" d.o.o. Sarajevo, KJP "Sarajevo - šume" d.o.o. Sarajevo; jedna javna ustanova, i to: JU "Centar za napredne tehnologije u Sarajevu" Sarajevo; i Turistička zajednica Kantona Sarajevo.

Posebno naglašavamo, a kao što smo i naveli - da su oblasti koje su u nadležnosti ovog Ministarstva na federalnom nivou u djelokrugu (nadležnosti) 5 (pet) ministarstava.

Prema svemu navedenom, najoptimalnije bi bilo organizacijski, Ministarstvo privrede razdvojiti na dva ministarstva, a ni kojem osnovu istom pripajati još neke oblasti koje su u nadležnosti Ministarstvo komunalne privrede, infrastrukture, prostornog uređenja, građenja i zaštite okoliša. Predmetna inicijativa, u dijelu koji se odnosi na Ministarstvo privrede je totalno neosnovana, odnosno neutemeljena.

S poštovanjem,

Dostaviti:

1. Naslovu,
2. Evidencija,
3. Arhiva.



Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



21-03-2023
03
04
1605
Pb:5
Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05-04-04-3460-1/23
Sarajevo, 23.03.2023. godine

Ministarstvo pravde i uprave -OVDJE-

Predmet: Odgovor na dopis
(veza Vaš akt broj: 03-04-04-3460/23 od 20.02.2023.godine)

Vežano za vaš zahtjev za izjašnjenje na inicijativu zastupnika Faruka Kapidžića: "zadužuje se Vlada Kantona Sarajevo da pripremi i u parlamentarnu proceduru uputi izmjene i dopune Zakona o ministarskim i drugim organima uprave Kantona Sarajevo i to na način da se Ministarstvo komunalne privrede, infrastrukture, prostornog uređenja, građenja i zaštite okoliša preimenuje u Ministarstvo prostornog uređenja, građenja i zaštite okoliša, te u skladu s tim da se promijene njegove nadležnosti, a da se komunalna infrastruktura i komunalna privreda dodaju u nadležnosti Ministarstva saobraćaja i Ministarstva privrede tim redom" , obavještavamo Vas sljedeće:

Ministarstvo komunalne privrede i infrastrukture osnovano 2015. godine, na način da je isto nastalo razdvajanjem i tadašnjeg Ministarstva prostornog uređenja, građenja i zaštite okoliša, te je ponovo spojeno sa istim ministarstvom 2020.godine. Svaka statusna promjena je uzrokovala ogroman zastoј u radu ministarstava, iz razloga što je svakim pripajanjem i razdvajanjem ministarstava potrebno izvršiti registraciju istih, izradu pečata, usvajanje internih pravilnika, prijavu i odjavu zaposlenika, prenos arhive, kao i mnoge druge poslove koji su preduslov za nastavak rada i obavljanja posova iz nadležnosti ministarstva.

Uzimajući u obzir da se očekuje usvajanje Zakona o lokalnoj samoupravi, a koji predstavlja preduslov za utvrđivanje nadležnosti iz oblasti komunalne privrede, te da se donošenjem kratkoročnih rješenja, bez dugoročne strategije ili elaborata o opravdanosti spajanja ili razdvajanja ministarstava, stvara zastoј i problem u radu istih, smatramo da je bespotrebno donostiti bilo kakve ad hoc odluke koje se odnose na nadležnost komunalne privrede, dok se ne donese navedeni Zakon, te da se tada trajno riješi pitanje komunalne privrede i infrastrukture.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

1/2

U međuvremenu, smatramo da je svsishodnije da se putem izmjene unutrašnje organizacije i sistematizacije navedenog ministarstva, poveća broj izvršilaca iz oblasti komunalne privrede i infrastrukture.

S poštovanjem,


Enver Hadžiahmetović, dipl.ing.maš.

Dostaviti:

1. Naslovu,
2. Evidencija,
3. Arhiva.



03
1800
P.b:
04

Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic

Broj:04-04-8569/23
Sarajevo, 31.03.2023. godine

KANTON SARAJEVO
Ministarstvo pravde i uprave
-ovdje-

PREDMET: Izjašnjenje, dostavlja se
Veza vaš akt broj:03-04-3460-1/23

Poštovani,

Ministarstvu saobraćaja Kantona Sarajevo uputili ste 20.02.2023. godine dopis kojim tražite izjašnjenje na inicijativu zastupnika Faruka Kapidžića, upućenu na Trećoj radnoj sjednici Skupštine Kantona Sarajevo, održanoj dana 27.03.2023. godine u vezi izmjena i dopuna Zakona o ministarstvima i drugim organima uprave u Kantonu Sarajevo. Inicijativa se odnosi na restrukturiranje izvršne vlasti tako što bi se komunalna infrastruktura i komunalna privreda dodale u nadležnost Ministarstva saobraćaja i Ministarstvo privrede.

Cijeneci da se radi o vema kompleksnom pitanju, smatramo da je za odgovor na isto potrebna detaljna analiza, te u tom smislu podržavamo inicijativu zastupnika Samira Avdića da Vlada Kantona Sarajevo formira radnu grupu za izradu elaborata o svrishodnosti restrukturiranja aktuelnog sistema izvršne vlasti sa prijedlozima nove strukture/sistema ministarstva.



Dostaviti:
1. Naslovu
2. A/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

1/1

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

10-02-2023

31-01-2023

0131300

02
115
P.P.
6

04

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

MPU-03

02/02/23

Broj:01-04- 2435-6/23
Sarajevo, 27.01.2023. godine

- SKUPŠTINA KANTONA SARAJEVO
- ZAKONODAVNO-PRAVNA KOMISIJA
- ③ VLADA KANTONA SARAJEVO

Acija Bo

ANTC

6-07-2023

Redni broj	Broj
05	04
3460	

03
559
PO:29

PREDMET: Zastupnička inicijativa, dostavlja se -

Zastupni Faruk Kapidžić u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na Trećoj radnoj sjednici Skupštine Kantona Sarajevo, održanoj dana 27.01.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničku inicijativu koju vam u prilogu dostavljam.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa



**PREDsjedavajući
SKUPŠTINE KANTONA SARAJEVO**

vedin Okerić

- CO:
- sekretar SKS
 - sekretar Vlade



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

**BOSNA I HERCEGOVINA
KANTON SARAJEVO
SKUPŠTINA KANTONA SARAJEVO**

- Zastupnicima

Na osnovu Poslovnika o radu Skupštine Kantona Sarajevo, podnosim

INICIJATIVU

Zadužuje se Vlada Kantona Sarajevo da pripremi i u parlamentarnu proceduru uputi izmjene i dopune Zakona o ministarstvima i drugim organima uprave Kantona Sarajevo i to na način da se „Ministarstvo komunalne privrede, infrastrukture, prostornog uređenja, građenja i zaštite okoliša" preimenuje u „Ministarstvo prostornog uređenja, građenja i zaštite okoliša", te u skladu s tim da se promjene njegove nadležnosti, a da se komunalna infrastruktura i komunalna privreda, dodaju u nadležnosti „Ministarstva saobraćaja" i „Ministarstva privrede" tim redom.

Obrazloženje

Izmjenama i dopunama Zakona o organizaciji i djelokrugu organa uprave i upravnih organizacija u Kantonu Sarajevo, koji je više puta osporavan pred Ustavnim sudom Federacije Bosne i Hercegovine, Ministarstvo prostornog uređenja, građenja i zaštite okoliša spojeno je sa Ministarstvom komunalne privrede i infrastrukture. S obzirom na činjenicu da to novo Ministarstvo komunalne privrede, infrastrukture, prostornog uređenja, građenja i zaštite okoliša u protekle dvije godine, koliko egzistira, nije uspjelo adekvatno odgovoriti propisanim nadležnostima i obavezama, a radi velikog obima nespojivih poslova koji su mu predmetnim zakonom povjereni, smatram neophodnim vratiti Ministarstvo prostornog uređenja, građenja i zaštite okoliša u okvire i nadležnosti koje je imalo do 2021. godine.

Nadležnosti za komunalnu infrastrukturu, a radi srodnosti i kompatibilnosti poslova, najbolje bi bilo propisati i dodijeliti Ministarstvu saobraćaja - koje je de facto ministarstvo saobraćajne infrastrukture, te kao takvo srodno komunalnoj infrastrukturi, a komunalnu privredu Ministarstvu privrede.


STUPNIK

Faruk Kapidžić dia

Dostaviti:

Svim zastupnicima putem Stručne službe Skupštine Kantona Sarajevo

